

Til deg som har fått opptak på bachelor i landskapsplanlegging med landskapsarkitekturfag

Undervisinga startar allereie første veka med faglege gjennomgangar og ekskursjonar ut i eit utval naturtypar. I løpet av dei første vekene etter semesterstart oppsøker vi kulturlandskap, skog, urbant landskap, myr, fjell og lærer å kjenne att plantar. Då er det er viktig at du er utstyrt til å vere ute i all slags vêr.

Utstysliste:

Regntøy, skikkeleg fottøy, varme klede (ullundertøy, lue osv.) og ein liten dagstursekk.

Har du spørsmål om korleis det er å vera student på dette bachelorstudiet i Sogndal ?

Ikkje nøl, du kan ringe eller sende e-post til Miriam. Miriam er ferdig med andre år på dette studiet og skal ta til i 3.klasse. Ho vil gjerne svare deg om du lurar på noko om studiet i løpet av sommaren og fram mot studiestart 14.august. Ta kontakt med ho på e-post eller mobil.



Miriam mobil: 95290176 e-post:
miriam.malik@live.no

Velkommen til Sogndal og
bachelorstudiet i Landskapsplanlegging
med landskapsarkitekturfag.

Me gler oss til å møta deg !

Som ny student ved Institutt for miljø- og naturvitskap er du velkommen til linjeforeininga (studentforening) YGGDRASIL. Her kan du lese meir om Yggdrasil:

Gjekk frå to til 135 medlemmar på eitt år - Me prøver å skapa eit fellesskap



Maria Winger Delbekk, Tarjei Sundsil og Astrid Henriksen Ellassen har tatt Yggdrasil frå nedleggingsstrua foreining til suksess.
Foto: Kristin Forland

Studentforeininga var nesten nedlagd då dei tok over. No går styret av med ein stor medlemsmasse og ein solid buffer etter seg.

+ For abonnentar

– Første skuledag starta me med to medlemmar. Etter ein månad var me 103. No nærmar me oss 150 medlemmar, fortel Maria Winger Delbekk, kommunikasjonsansvarleg i linjeforeininga Yggdrasil.

Yggdrasil er ei av seks linjeforeingar i Sogndal, og samlar studentane frå fornybar energi, geologi og geofare, landskapsplanlegging, climate change og naturfag.

Det siste året har foreininga, som nærast låg brakk, hatt ein eksplosiv vekst. Dei er no oppe i 135 medlemmar og har akkurat valt nytt styre som skal ta over neste semester.



Det avtroppande styret i Yggdrasil er stolte over kva dei har fått til det siste året. F.v.: Miriam Malik Tøftum, Knut Dalseng Øverland, Maria Winger Delbekk, Tarjel Sundslø, Astrid Henriksen Eliassen og Simen Brattås Holte. Foto: Kristin Forland

Sogn Avis er ikkje åleine om å villa vita hemmelegheita bak medlemsveksten.

- Når eg i samband med denne saka har snakka med dei i studentsamskipnaden, er dei veldig nysgjerrige på kva hemmelegheita dykkar er.

- Astrid er stikkordet, kjem det frå Knut Dalseng Øverland, og viser til leiaren av foreininga Astrid Henriksen Eliassen.

- Det er veldig hyggjeleg å høyra, men me er ein god gjeng der alle er engasjerte og har lyst til å bidra, seier leiaren sjølv.

Nedleggingstrua

- Me gjer alt som ei gruppe og me prøver å inkludera alle medlemmene, slik at me ikkje lagar eit skilje mellom oss i styret og dei andre medlemmane. Me prøver å skapa eit fellesskap, seier Eliassen.
- Og me visste kva me ville, seier økonomiansvarleg Miriam Malik Tøftum.
- *Og kva var det?*
- Frå eit økonomiperspektiv var det å få på plass ein solid medlemsmasse og å ha gode arrangement, slik at folk har lyst til å koma, seier ho.



- Du må få med slagordet vårt: hygga med ygga. Fv. Sirnen Brattås Holte, Miriam Malik Tøftum, Knut Dalseng Øverland, Maria Winger Delbekk, Astrid Henriksen Eliassen og Tarjei Sundslø. Foto: Kristin Forland

Ved slutten av førre skuleår såg det slettes ikkje ut som om det skulle bli eit kjempeår for Yggdrasil.

Det var lite aktivitet og interesse for foreininga, og Maria, som då var ferdig med første året i Sogndal, fekk beskjed om at om ingen tok over, ville foreininga bli lagt ned.

– Då sa eg at eg kunne gjerne gjera det og valde ut eit styre. Eg kjende dei alle frå før, så eg visste kva kvalitetar alle hadde.

Maria Winger Delbekk, som har hatt rolla som kommunikasjonsansvarleg, trur suksessen til foreininga viser at behovet og ønsket om ei linjeforeining var til stades.

– Eg trur folk har sakna tilhøyrse og nokon som arrangerer fagleg innhald som er ønska av studentane, og ikkje berre gjennom høgskulen, seier ho.



Jakob Stein Krokeide er rådgiver for studentliv for Sogndal og Førde i studentsamskipnaden Saman. Han gler seg til å fortsetja å jobba med det han kallar ein ivrig gjeng studentar. Foto: Kristin Forland



– Det har vore eit kjempeår, seier han.

I fjor delte regjeringa ut 170 millionar til å følgja opp studentane etter pandemien. Høgskulen på Vestlandet fekk 5 652 000 kroner av desse. I tillegg fekk studentsamskipnadene 60 millionar kroner, der kvar samskipnad fekk eit grunnbeløp på 50 000 kroner, og der resten av pengane vart fordelte etter medlemstal.

– Det var noko av bakgrunnen for at stillinga mi vart oppretta. Etter korona var det kanskje eit behov for å bygga opp att organisasjonskulturen, seier han.

Sjølv om Yggdrasil er ein klasse for seg sjølv når det kjem til medlemsauke, ser Krokeide at det er mykje som skjer på campus.

– Det er absolutt mykje som skjer i den frivillige innsatsen blant studentane.

Gir starthjelp til det nye styret

Yggdrasil-styret har vore ivrige søkarar på midlane som kom etter pandemien. Dei har hatt eit høgt aktivitetsnivå og arrangert alt frå fagkveld om JUSTICE-prosjektet til julebord. Dei håpar det nye styret kan fortsetja arbeid, sjølv utan pandemipengar.

– Det er veldig synd at dei midla ikkje vert tilgjengelege framover, seier Tøftum.

– Men det vert viktig å fortsetja å søka på andre midlar frå fakultetet, seier ho.

Og det nye styret til ein betre situasjon enn dei sjølv gjorde.

– I fjor trudde dei at foreininga måtte leggjast ned, så då vart det ikkje søkt om noko midlar til det komande året. Då stilte me på berr bakke. No vil me søka om pengar til haustsemester, slik at dei får litt starthjelp.

